

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Богот тумани
ХОКИМИ
ҚАРОРИ

220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «18» апрел

№ 290и

Богот шаҳарчаси

Ўзбекистон Республикаси Президенти Администрацияси раҳбарининг 2020 йил 15 апрелдаги 02/-1286 сонли хати ҳамда Хоразм вилояти ҳокимининг 2020 йил 17 апрелдаги 150қ-сонли қарори ижросини таъминлаш мақсадида Ўзбекистон Республикаси “Маҳаллий давлат ҳокимияти тўғрисида”ги Қонунининг 6 ва 25-моддаларига асосан

Қарор қиламан:

1. Ўзбекистон Республикаси Президенти Администрацияси раҳбарининг 2020 йил 15 апрелдаги 02/-1286 сонли хати ҳамда Хоразм вилояти ҳокимининг 2020 йил 17 апрелдаги 150қ-сонли қарори ижро учун қабул қилинсин.

2. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов) туман иқтисодий тараққиёт ва камбағалликни қисқартириш бўлими бошлиғи (И.Рўзметов) туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), Маҳалла ва оилани қўллаб-қувватлаш бўлими (Э.Рузметов) билан биргаликда ҳар бир маҳалла кесимида истеъмол меъёрлари бўйича йил якунига қадар талаб қилинадиган гўшт, картошка, пиёз, сабзи, гуруч, ун, ёғ ва бошқа маҳсулотларнинг ҳажмини аниқ ҳисоб-китоб қилиб, узлуксиз таъминотини ташкил қилиш бўйича зарурий чора-тадбирлар белгиласин.

3. Туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), туман қишлоқ хўжалиги бўлими (Б.Ямғуров) ҳудудлар раҳбарлари билан биргаликда:

асосий ер майдонлари, боғ ва токзорлар қатор ораларига экин экиш учун етишмайдиган уруғликларни ўз вақтида етказиб бериш чораларини кўриш;

асосий ер майдонлар, боғ ва токзорлар қатор ораларига жорий йилнинг 1 майга қадар экинларни тўлиқ экиш бўйича кунлик графикларни тасдиқлаб, экиш ҳолати бўйича ҳар бир кластер ва фермер кесимида кунлик мониторинг юритишни йўлга қўйиш;


тўқсонбости экинлари ва галладан бўшайдиган майдонларга такрорий экин экиш учун талаб қилинадиган уруғликлар захирасини яратиш бўйича чора-тадбирларни белгилаш ва ижросини назоратга олиш топширилсин.

4. Туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), туман қишлоқ хўжалиги бўлими (Б.Ямгуров), ирригация бўлими (С.Иброхимов), туман ер ресурслари ва давлат кадастри бўлими (Р.Рахимов) ҳудудлар раҳбарлари билан биргаликда; туман бўйича 432 гектар фойдаланишдан чиққан ерларни ўзлаштириш бўйича чора-тадбирлар белгиласинлар. .

5. Туман ҳокимининг қишлоқ ва сув хўжалиги масалалари бўйича ўринбосари (Э.Худайберганов), Ирригация бўлими (С.Иброхимов)га туман бўйича Инвестиция дастурида сув хўжалиги йўналиши бўйича белгиланган лойиҳаларни қайта кўриб, бугунги кунда долзарб бўлмаган лойиҳалар ҳисобидан маблағларни тежаш ва уларни қўшимча ерларни ўзлаштириш бўйича кам харажат ҳисобига тез натижа берадиган лойиҳаларга йўналтириш юзасидан таклифларни ишлаб чиқиш топширилсин.

6. Ушбу қарорнинг ижросини назорат қилишни туман ҳокимининг қишлоқ ва сув хўжалиги масалалари бўйича ўринбосари Э.Худайберганов зиммасига юклатилсин.

Боғот тумани ҳокими



О.Холбоев.